

بیر گنجہ اونونلا آستارادا ایکن

– «...سعدی سانکی منیم ایران سفرلریم بارهده دئیمیش بو جمله نی: به خاطر داشتم که چون به درخت گل رسم دامنی پر کنم هدیه اصحاب را. چون برسیدم بوی گلم چنان مست کرد که دامنم از دست برفت». بونو دئدی و اوزون بیر صوصقونلوغا قاپیلدی.

اونو صون یولچولوغونا گوندهریرمیشم دئمک. سن دئمه بیرداها گوروشمه یه جه ایدیک. گومان ائله بونا گوره ده قوجا کیشی یاتماق ایسته میردی.

گنجہ یاریسی دینجه لمک و بیر آز هوش قاپماق اوچون مهمانسرای آستارا داکی اوطاغیمیزا چکیلدیک. کیشی یاتماغا صویوندو گوزلرینی یومدو و خورولداماغا باشلادی. خورولتوسو ایله قاه - قاه گولمه سسلری بیریرینه قاریشدی. گولمکدن او یانیب اوتوردو. دورمادان گولوردو، قاقیلدا بیردی. «من خورتدادیم» دئیه یئنه گولوردو. نه ده اوزدن گئتمه یین آغجاقانادلاری وارمیش بو آستارانین دئییردی. سانکی آغجاقاناد اونو قیدیقلا بیرمیش او میغمیغانین سانجماسیندان دا گولوردو. دوغروسو منی ده گولمک توشموشدو.

یئنه یاتدی و یئنه خورولدادی.

و ... یئنه یوخو ایچینده شاقیلدا ییب گولوشمه یه باشلادی. غریبه بیر ایچدن لیکله گولوردو. بو دفعه آستارالی تاکیسی سوروجوسونون سوزو یوخودا یادینا دوشموشدو.

آستارا سرحدلر آچیلدیقدان صونرا یامان بیر سرعتله بؤیومکده ایدی او قدر کی بیز رستم معلم له آستارانلی اؤلچه اؤلچه مهمانخانانی ایتیردیک و بیر تاکیسی یا مینمه یه مجبور اولدوق تاکیسی شوفری بیزه «ایستیتی سوز سیزی دهنزه چکیم؟» دئدی. بیز بیر آنلیغا بو سوزدن شاشیرصاقدادیلچی فیلان اولدوغوموز اوچون همن اونون نه دئمک ایسته دیگینی آنلا یینجا سوء تفاهم رفع اولموشدو. سن دئمه آستارالی لار دریا (دنیز) یا «دهنز» دئهرلر. بودا بیر خئیلی گولمه میزه سبب اولدو. و گنجہ یوخونون ایچینده رستم بیگی گولدورن ده میغمالار یوخ بو دهنیمیزه چکیلمه سی مسئله سی ایمیش دئمک. رستم معلم گولمکدن آمان تاپدیقجا او سوزو تکرارلا بیردی... دهنزه چکیم.

دوروب تکرار گئیندیک - کئچیندیک و یولا قویولدوق. باش آلیب دهنزه دوغرو گئیدردیک. قاراسار بیر جوان کؤپک ده قویوغونو بولایا - بولایا دالیمیزجا دوشموش بیزیمله گلیردی. ملایم بیر آسینتی بیزیم یارالی گوزلریمیزی اوخشاییردی. صویوق آیزادا ایستی بیر یئل ده بعضاً اوزوموزه توخونوردو غریبه ایدی بیر بنا قاپیسی نین قاباغیندان کئچسه ایدیک ائله بیلردیک کی ایستی اوردان گلیر. او ایسه بیز آچیق لیق دان کئچیردیک. من بیر آز صاغا - صولا هرله ندیم. نهایت ایستی نین آچیق بیر دالان کیمی اوستوموزه اسدیگینی سئزدیم. رستم ده کئفلی لر کیمی او دیوار سنین بو دیوار منیم

ائله ییردی. اودا ایستی نین جهتینی آختاریرمیش. ایستی دریانین اوز به اوزوندن اسیردی. رستم، «آده زلزله اولور» دئییه آددیم لارینی سرعتله ندیردی. گؤزلریمیز اراده سیزجه گؤیه چکیلدی. گؤی ده قیپ - قیرمیزی قیزارمیشدی. باشیمیزین اوستونده گؤی آلوو تپیردی. بیر آندا باشیم گیجه له نمه یه باشلادی. آیاقلاریمی چتین لیکله چکه بیلیردیم. لپه لرین اؤنلندیریلمه سی اوچون ساحله دوزولن صیلدیریم قایالارین اوستونده ایدیک آرتیق. دنیزه چاتمیشدیق رستم قولتوغوما صوخولوب منه توتوندو. «گؤزلریم قارالیر» دئدی. «دنیزمی توتوب منی؟» صوروشدو.

افقه زیلله نیب ایره لی گئدیردیک. من باریتون سسله بیر سؤزلری اوخوماق اوچون سسیمی باشیما آتمیشدیم. رستم نارین نارین آغلاییردی. اوزوموزه چیسگسن اوتورور کیمی هر دن یاغیش چیله نیردی و دامجی نین دوشدو یئر کؤزه صو تۆکولور کیمی سسله نیردی. رستم چوخ شاعرانه تیتره ک بیر سسله منه بو مصراع لاری اوخودو:

بنال بلبل اگر با منت سر یاری است
که ما دو عاشق زاریم و کار ما زاری است

صو گؤبگیمه چاتان کیمی بیردن رستمه باخدیم آخی اونون بویو مندن آلچاق ایدی. بیردن بوغولار دئییه اونو توماغا چالشدیم او تنها صونا کیمی دنیزین اوزونده سوزور،... اوزوردو... گئتدی و گؤزلردن ایتدی.

تهران - ۱۳۷۹ ایل بایرامی